

ԼՈՒՍԱՎՈՐԱԿԱՆ ՇԱՐԺՄԱՆ ՍԿԶՐՆԱՔԱՅԻՆԵՐԸ ՀԱՅ ԻՐԱԿԱՆՈՒԹՅԱՆ ՄԵՁ  
(XVIII դ. վերջ—XIX դ. սկիզբ)

Վ. Ա. ԴԻԼՈՅԱՆ

Հայ աղագային-աղատագրական շարժումների պատմությունն ուսումնասիրելիս չի կարելի զանց առնել լուսավորական շարժումը, իբրև ազգային-աղատագրական ձգտումների կարևոր բաղկացուցիչ, դրանց իրագործմանը մեծապես նպաստող գործոն։ Այդ հարցը անմիջականորեն առնչվում է գաղութահայ բուրժուազիայի կազմավորման և զորեղացման պրոցեսի հետ, որն ընդգրկում է գրեթե ամբողջ XVIII դ.։

Ազգային ինքնագիտակցության գալով և դառնալով կազմակերպված հասարակական ուժ, գաղութահայ բուրժուազիան, ելնելով իր դասակարգային շահերից, բնականաբար, պետք է լուրջ ուշադրություն դարձներ լուսավորության և գիտելիքների տարածման խնդրին։ Տարբեր երկրների հետ ունեցած նրա առևտրական կապերը այլևայլ լեզուների իմացության անհրաժեշտություն էին առաջացնում։ Հայ առևտրական բուրժուազիայի առաջադեմ ներկայացուցիչները նաև չէին կարող չազդեցել XVIII դ. երկրորդ կեսին Արևմտյան Նվորպայում լայն տարածում գտած լուսավորական գաղափարներից։ Հայտնի է, որ XVIII—XIX դդ. հայկական մշակույթը մեծ զարգացում ապրեց հայկական գաղթավայրերում, որտեղ տիրապետող բարձունքները գտնվում էին առևտրական բուրժուազիայի ձեռքին. այդ փաստը ինքնին խոսում է այն մասին, որ լուսավորական շարժման սկզբնաքայլերում առաջնությունը պատկանում էր հենց այդ բուրժուազիային, որի համար, անշուշտ, անկախ ու «լուսավորյալ» հայրենիքը կապիտալի գործառնության ավելի լայն ու հարմար հորիզոններ պիտի բացեր։

Շարժման նախաձեռնողները իրենց հայացքը նախապես հառել էին դեպի հայկական հին մշակույթը, այնտեղից քաղելով իրենց մտավոր և հոգեկան անունդը։ Աստիճանաբար ասպարեզ էր գալիս բավականաչափ զարգացած մի գրական սերունդ, որը հին մշակույթի օգնությամբ աշխատում էր ինքնագիտակցության բերել դարավոր խավարի մեջ խաբխափող ժողովրդին։

XVIII դ. երկրորդ կեսից սկիզբ առնող այս շարժումը քաղ առ քայլ զորանում է հատկապես հայկական այն գաղթավայրերում, որտեղ լուրջ կշիռ էր ձեռք բերում ազգային ինքնագիտակցության եկող հայ առևտրական բուրժուազիան։ Շարժումը սկսեց ցույց տալ տենդենցներ, որոնք որոշակիորեն հնի բացասումն էին և նորի հաստատումը։ Լուսավորական շարժման ծավալմանը մեծապես նպաստեց նաև տպագրական գործը։ 'Իս ոչ միայն կապիտալի նախասկզբնական կուտակման արտահայտություններից մեկն էր, այլև ազգային ինքնագիտակցություն դաստիարակելու միջոց։ Հիմնադրվում են դպրոցներ, որտեղ սկսում են ավանդական առարկաներին զուգահեռ ուսուցանել դասական և ժամանակակից եվրոպական լեզուներ։ Գրական ասպարեզ են իջնում մար-

դիկ, որոնք այս կամ այն չափով ծանոթ էին եվրոպական լուսավորությանը և աշխատում էին լուսավորության գործը դնել լայն հիմքերի վրա: Շարժումն, հարկավ, դեռևս թերատ էր՝ շաղախված հին հասկացություններով ու սկզբնականություններով, բայց այն արդեն կրում էր նորի ծիլերը, որը պետք է աճեր ու զարգանար՝ հաղթահարելով հինը:

Առաջինը հնամաշ բարությունն էր շարժվեց հնդկահայ առևտրական բուրժուազիայի առաջավոր մասը, որի գոյությունը անգլիական կապիտալի մրցակցությունը դրել էր սպառնալիքի տակ: Նրա կարկառուն ներկայացուցիչները՝ Շ. Շահամիրյանը, Մ. Բաղրամյանը և ուրիշներ դարձրին հայացքները դեպի իրենց ծնունդ տված երկիրը, այնտեղ փնտրելով հանգրվան: Բայց արևելյան բռնապետությունների լծի տակ կբաժ հայրենիքը, որտեղ կապիտալի ապահովության ոչ մի երաշխիք չկար, առաջժ չէր կարող երազած հանգրվանը տալ այնքան ժամանակ, բանի դեռ չէր թոթափել բռնապետական լուծը:

Մի կողմից հայրենի երկրի նման դժնդակ վիճակը, մյուս կողմից եվրոպական լուսավորական շարժման հետ ունեցած որոշ ծանոթությունը նրանց հանգեցրին այն մտքին, որ պետք է հայրենիքն ազատագրել և այնտեղ հաստատել այնպիսի կարգեր, որոնք լավագույն հնարավորություններ կստեղծեն բուրժուազիայի հետագա զարգացման համար: Մենուդ առան ժամանակի հայ բաղաբական մտքի գլուխ-գործոցները՝ «Յորդորակը», «Որոգայթ փառացր», «Նշաւակը»: Ստեղծվեց գրական-բաղաբական մի հոսանք, որը հայկական ճացած իրականության մեջ թարմ ու մինչև այդ անծանոթ գաղափարներ էր ներարկում:

Ռուսաստանում հայկական մշակույթը այն ժամանակ թեև չտվեց լաղաբական գրականության այդպիսի գլուխ-գործոցներ, բայց այստեղ էլ հայերի շրջանում ծնունդ առնող ազատագրական գաղափարները սկսում են ինչ ու չափով կապվել ժողովրդի ընդհանուր կուլտուրական մակարդակի հետ: Վերցնենք թեկուզ այն տեսակետը, որ հայտնել է իր հայտնի «Հուշագրում» Հովհաննես Լազարյանը Ղարաբաղի մելիքների մասին: Եթե Շ. Շահամիրյանը Հայաստանի ազատագրության հարցում հաջողության հասնելու համար մեծ հույսեր էր կապում հայ մելիքների հետ, ապա Հովհաննես Լազարյանը գտնում էր, որ նրանք չեն կարող ղեկավարել ազատագրական շարժումը, բանի որ այդ հայ տիրակալների տգիտությունը նրանց ինչպես ամբողջ ազգի, այնպես էլ անձամբ իրենց համար դարձնում է անօգուտ<sup>1</sup>:

Լուսավորության հարցի կապակցությամբ Ղարաբաղի մելիքներին անդրադառնում են նաև Մինաս և Հովակիմ Լազարյան եղբայրները 1777 թ. նոյեմբերի 6-ին իրենց հոր անունից Շահամիրյանին գրած նամակում: Նրանք երազում էին՝ «Երանի թե յաջողեսցի երթէք մեր ազգին այնպիսի բարեբախտութիւն և վիճակ, յորում զերծեալ ազատիցին ի վեհերոտեալ թմրութենէ ծուլութեան իւրեանց, և յոտն-կայցեն ի սիրտ երկրի իւրեանց և ի ազատութիւն»<sup>2</sup>: Այդ նպատակին հասնելու համար Լազարյան եղբայրները գտնում էին, որ «նախ պարտ է ազգին մերոյ. մանաւանդ ի Սղնախ և ի Ղարաբաղ եղեւոցն, ունիլ լուսաւորութիւն մտաց, և թողեալ զսնտոի ունայնահաւատութիւն իւրեանց և գոռոզութիւն, կրթիլ և վաստակիլ ի մրցմանս գիտութեան, պատմութեան և

<sup>1</sup> Архив АН СССР, ф. 99, оп. 2, л. 13, л. 60.

<sup>2</sup> ЦГИА СССР, ф. 880, оп. 5, л. 610, л. 27.



աշխարհածանօթութեան և ինիլ հասու մտօք այնմ նիւթոյ և բանից, զորոց ճառէ բարեյիշատակ որդին քոյ Յակոբ ընդ դաստիարակին իւրոյ հանձարամիտ Մովսէսի»<sup>3</sup>:

Այսպիսով, առաջին պլանի վրա էր մղվում գիտութեան և լուսավորութեան հարցը, առանց որոնց հնարավոր չէ հասկանալ ո՛չ «Յորդորակի» գաղափարները, ո՛չ էլ պիտանի լինել հայ աղգային-ազատագրական շարժմանը: Վերոհիշյալ տողերը ցույց են տալիս, որ Ռուսաստանում բնակվող հայ գործիչները ևս աղգային ազատագրութեան և վերածնութեան միջոց էին համարում լուսավորութունը:

Լաղարյանների կարծիքով հայ հոգեւորականութունը ևս պատասխանատու անելիքներ ունեւ: Նա պետք է քարոզեր աղգային ազատութուն և հասկացներ ժողովրդին, որ աղոթքները և պասերը չէ, որ կհանգեցնեն դրան, այլ սերը, միաբանութունը և լուսավորութունը: Նրանք գտնում էին, որ հոգեւորականութեան գերը Հայաստանում մեծանում է առավել ևս նրանով, որ, պատմական հանդամանքների բերումով, հայ ժողովրդական զանգվածները մնում էին իրրև «հայեցօղք» «ի շրթունս նոցա», հպատակ հոգեւորականութեան<sup>4</sup>:

Եվ միայն այն բանից հետո, երբ ժողովուրդը կարթնանար վեհերոտութեան թմրութունից, երբ նրա միտքը կլուսավորվեր, կզգար միաբանութեան ուժը և անհրաժեշտութունը, միայն այդ դեպքում Ղարաբաղի մելիքները կկարողանային ապստամբել տիրողների դեմ, հաղթել ու վճռել նրանց, ազատութուն ձեռք բերել, հակառակ դեպքում ամեն ինչ ի դերև կանցնէր:

Զպետք է մոռնալ նաև այն, որ XVIII դ. երկրորդ կեսին Ռուսաստանում ևս լուսավորական շարժումը մեծ թափ ստացավ: Եղավ ժամանակ, երբ այն ընդգրկեց նաև կառավարող շրջանները: Այդ հանգամանքը ակնբախ էր և չէր կարող ազդեցութուն չգործել Լաղարյանների վրա: Նրանք մեծ դեր և նշանակութուն էին վերապահում լուսավորութեան գործին, համոզված լինելով, որ այն աղգային գոյատեման, զարգացման և ինքնապահպանման հիմնական աղբյուրն է: Լուսավորութեան միջոցով է, որ հայ ժողովուրդը, դուրս գալով դարավոր թմրութունից և տգիտութունից, պետք է հաղորդակից դառնար եվրոպական քաղաքակրթութեանը: Դրա համար էլ Լաղարյանները խիստ մեծ նշանակութուն էին տալիս օտար լեզուների ուսուցմանը: Հովհաննես Լաղարյանը տարիներ շարունակ այն միտքն էր փայփայում, որ «հօգուտ իր ազգի ուսումնարան հիմնի և պահի»<sup>5</sup>: Երկար ժամանակ նրա միջոցներով էին պահվում նոր Նախիջևանի<sup>6</sup> և Թիֆլիսի դպրոցները<sup>7</sup>, պայմանով, որ այնտեղ ուսումնասիրվեն բնական գիտութուններ և օտար լեզուներ: Բայց նրա հիմնական նպատակն էր «կառուցանել ի տէրութեան ռուսաց, ընդհանրական ուսումնարան մի՝ վասն հայկասեռ նրբամիտ բանասէր մանկանց: Բայց յոքնադիմի զբաղմունք իւր՝ ոչ ներեցին նմա՝ մինչ կենդանին էր՝ լցուցանել զփափագ իւր»<sup>8</sup>:

<sup>3</sup> Նույն տեղում:

<sup>4</sup> Վ. Դ ի լ ո յ ա ն, Լաղարյանների հասարակական-քաղաքական գործունեության պատմութունից, Երևան, 1966, էջ 174:

<sup>5</sup> ЦГИА СССР, ф. 880, оп. 1, д. 79, л. 91.

<sup>6</sup> Մատենադարան, Լաղարյան արխիւ, Թղթ. 102, գ. 6, վ. 7:

<sup>7</sup> Նույն տեղում, վ. 335:

<sup>8</sup> Նույն տեղում, գ. 104, վ. 3:

Նազար Հակոբջան Շահամիրյանը ևս մատաղ սերնդի քրանականավայել լուսավորութեան մտաց» հետ էր կապում այն ակնկալութիւնը, որ «սակաւ միջոցի» Հայաստան աշխարհի անունը դուրս կհանվի «յանարզ դասաւորութենէ տգիտութեան»<sup>9</sup>:

Լուսավորութեան հարցը մտահոգում էր բոլոր նրանց, ովքեր տոգորված էին հայրենիքին ծառայելու պատրաստակամութեամբ: «Հայրենիքի և եկեղեցու» շահերն էին ստիպել: Եփրեմ արքեպիսկոպոսին հայտարարելու, թե ինքր իր կյանքի մնացյալ տարիներին նպատակն է համարում «յիւրաքանչիւրում քաղաքի համալսարանս հաստատել իմս արդեամբ և քրտամբ, որով ազգ մեր ոչ մնացին ի կուրութեան, այլ օրըստօրէ ի լուսաւորութիւնս յառաջացին...»<sup>10</sup>: Կաթողիկոս դառնալուց հետո էլ նա նշում էր, որ «հանապազ զհետ պնդելով՝ գտանելոյ անդէն զառիթս լուսաւորութեան մանկանց մերոյ բայց ոչ գտանեմ», ըստ որում ասիական կողմունք և դրութիւնք օգնեն ինձ ի նմին ոչ բնավ»<sup>11</sup>:

Բոլորը չէ, որ ներկան մռայլ գույներով էին պատկերացնում: Այսպես, Հակոբ Շահան-Ջրպետյանը, գտնելով, որ «մեծամեծ գործառնութեանց կատարելութիւնք, տիրապետութեանց հիմնարկութիւնք, տէրութեանց տեղութիւնք, քաջապինդ մրցանաց շահատակութիւնք, լայնատարր խորհրդածութեանց դիտողութիւնք, բազմատեսակ ուսմանց և վարժարանաց արարչութիւնք, իմաստասէր և քաղաքավարեալ արանց բազմութիւնք, ցեղցեղ սոփեստալիք գրուածոց առատութիւնք, պետական և զինուորական օրինաց սահմանադրութիւնք, կղերական և աշխարհային կարգաց կանօնադրութիւնք, քաղաքաց, աւանից, ամրոցաց, ապարանից և տաճարաց հրաշակերտութիւնք, և այլ ազգի ազգի անմահական յիշատակաց վայելմունք չեն և չկարեն լինել գործ վայրենաբարոյ կամ իմաստատեաց ազգի ումեք. զի են պտուղք իմաստութեան և սեպհական ձիրք քաղաքավարեալ արանց և ազանց»<sup>12</sup>, անհրաժեշտ էր համարում այդ ամենը վերակենդանացնել հայ ժողովրդի գիտակցութեան մեջ, որովհետև ներկա անմիջիկապ վիճակը արդյունք է կյանքի պայմանների հետեւանքով ռզու վաղեմի աշխուժութեան կորստի: Ուստի հարկավոր է փութալ և թի մի հաւաքել զառաքինի վարս, զխոհական ասացուածս, զիմաստուն դիտմունս, զազգասիրական գործառնութիւնս, և զայլ յավերժական գովութեանց արժանավոր գործողութիւնս նախնեաց մերոց և ժամանակցացն» թի մշտնջենաւօր յիշատակ ազգային պարծանաց»<sup>13</sup>:

Լուսավորութիւնը, երիտասարդութեան ու մատաղ սերնդի կրթութեանը հոգ տանելը, որպեսզի նրանք թի նազելի թարմ տես մանկութեան իրեանց: կրթեալ ի պէս պէս գիտութիւնս, իմաստնայեղժ զգօնութեամբ իրեանց լիցին կանգնօղք հայրենեաց, լուսաւորիչ հայրենակցաց և փառք և պարծանք համօրէն արամեանս տոհմի»<sup>14</sup>, Շ. Ջրպետյանը համարում էր ազգային առաջնահերթ պահանջ: Լուսավորութիւնն է պատճառը, որ «բազմագումար ազգք եւրոպացիք՝ որք երբեմն հանգոյն ներկեան մերոյ վիճակի յանգիտութեան և ի խաւարի

<sup>9</sup> «Անցք կամ գործք», Մադրաս, 1806, էջ 7:

<sup>10</sup> «Դիւլյան Հայոց պատմութեան», գիրք Ե., վ. 210:

<sup>11</sup> Մատենադարան, Լազարյան արխիւ, թղթ. 105, գ. 13, վ. 4:

<sup>12</sup> Նույն տեղում, Երեցյանի արխիւ, թղթ. 159, վ. 210դ:

<sup>13</sup> Նույն տեղում:

<sup>14</sup> Մատենադարան, Լազարյան արխիւ, թղթ. 106, գ. 14, վ. 1:



բերանարաց խարխափէին զարդիս գեր քան զչափն հանդիսացեալք գովարանին պերճապայծառ և սքանչելի օրինակաւ»<sup>15</sup>:

Ժամանակի հայ առաջադեմ գործիչները գիտակցում և հասկանում էին, որ կրթական գործը պետք է դուրս բերել վանական նեղ շրջանակներից, դարձնել ընդհանուր հասարակության սեփականություն, որ ժողովրդին չպետք է զրկել գիտությունը ճաշակելու բարիքից, մատաղ սերնդին կրթել, «թարց պարտավորելու զոք ընդդէմ իւրոյ կամաց ի կրոնաւորութիւն», քանի որ դրանով իսկ աղրկեն զժողովուրդն յաստուածատուր շնորհաց զոր պարգեալ է տէր վասն հասարակաց, և ոչ թէ միայն կրօնաւորաց»<sup>16</sup>: Իր ժամանակի հայ իրականության համար սա մի խոշոր առաջընթաց քայլ էր, որը պետք է գիտությունը շղթայազերծել կրոնական կապանքներից:

Նշանակալից է ու ժամանակի համար ողջունելի այն լայնախոհությունը, որ հանդես էին բերում հայ առաջադեմ գործիչները, մերժելով կրոնական խտրականությունը և դավանական իրարամերժությունը: Լինելով լուսավորչադավան, նրանք ըմբռնում և գնահատում էին մշակույթի զարգացման գործում Մխիթարյանների ծավալած ազգանվեր գործունեությունը: Այսպես, Հովակիմ Լազարյանը իր որդի Խաչատուրին խորհուրդ էր տալիս Եվրոպա շրջագայության գնալիս այցելել նաև Վենետիկ, «ուր տեսանել կարէք և Մխիթար արքայի միաբանութիւն և հայոց մեծ ակադէմիան»<sup>17</sup>: Ռումինահայ գործիչներից Պողոս Սեբաստյանը գրում էր, որ Մխիթարյանները «ի պայծառութիւն ազգիս» «ուխտեալ իսկ են» և «զանձինս իւրեանց զոհեալ. և սու այս՝ վկայ հաւատարիմ արդիւնք նոցա արձանացեալ կան յանդիման ամենեցուն»<sup>18</sup>: Մխիթարյան միաբանները, շարունակում էր Սեբաստյանը, «ունին զխաղաղական վարս և զկրթակոթնութիւն ի ներքին և յարտաքին տեղեկութիւնս, թողից ասել զնախանձն հայրենեաց», որոնք «չեն անժանօթք ի ճշմարտասիրաց»<sup>19</sup>: Նա գտնում էր, որ «կիրք յաշաղկոտաց չգտանեն անդ տեղի՝ ուր նախանձն ընտանի և հայրենի սիրոյ մերժէ և տարագիր առնէ զհեռ և զնախանձն շարին»<sup>20</sup>:

Այսպիսով, առաջնահերթ խնդիրը, որը նաև ժամանակի հրամայական պահանջն էր, հայ ժողովրդի միասնությունը և լուսավորությունը ապահովելն էր ժողովրդի լուսավորության նախնական պայմանը նոր ժամանակի ոգուն համապատասխանող դպրոցների տնդոթումն էր, որի մասին այնքան մտահոգվում էին Հովհաննես Լազարյանը և առհասարակ բոլոր առաջադեմ գործիչները:

Հայ ժողովրդի մեջ լուսավորության տարածման գործում խոշոր դեր խաղաց .1815 թ. Մոսկվայում հիմնադրված Լազարյան ճեմարանը, որը միաժամանակ դարձավ հայ և ռուս ժողովուրդների բարեկամության խորհրդանշաններից մեկը: Ծննդարանն իր գոյության առաջին իսկ օրերից հետամուտ էր հայկական միջավայրում լուսավորության տարածմանը և հայ մշակույթի զարգացմանը: Չնայած արտաքին հզոր ազդակներին, խարդավանքներին և փոր-

<sup>15</sup> Նույն տեղում:

<sup>16</sup> Նույն տեղում, թղթ. 104, գ. 104, վ. 19:

<sup>17</sup> ЦГИА СССР, ф. 880, оп. 1, д. 240, л. 190—190 об.

<sup>18</sup> Մատենադարան, նրիցյանի արխիվ, թղթ. 159, վ. 210բ:

<sup>19</sup> Նույն տեղում:

<sup>20</sup> Նույն տեղում:

ձերին՝ շեղել ձեմարանն իր ուղեծրից և օգտագործել քաղաքական նպատակ-  
ներով, Հազարյանների երախայրիք այդ կրթական հաստատությունը մեծ ծա-  
ռալություններ մատուցեց հայ ժողովրդին, նրա մշակութային վերելքին, Հա-  
զարյան ձեմարանը միաժամանակ յուրովի երևույթ էր հայ իրականության  
մեջ: Ստեղծված լինելով հայ մատաղ սերնդի դաստիարակության, ժողովրդի  
լուսավորության համար, այն երբեք չպարփակվեց ազգային նեղ պատյանի  
մեջ, դուրս եկավ ազգային շրջանակներից և իր արժանի տեղը գրավեց հա-  
մամարդկային մշակույթի պատմության մեջ, որպես Արևելքի ժողովուրդների  
հնազարյան մշակույթի, պատմության և լեզունների ուսումնասիրության գլխա-  
վոր կենտրոններից մեկը Ռուսաստանում:

Հազարյան ձեմարանի հիմնադիրներն ըմբռնում էին, որ ձեռնամուխ են  
ևղել մի գործի, որը հայ ժողովրդի համար կենսական կարևորություն ունի:  
«Այս գլխաւոր մի գործ է, օգտաւէտ և ազգային,— գրում էր Հովակիմ Հազար-  
յանը,— ծախս և խարջ մեծ կրեմք, աշխարհ ամենայն ի մեզ հայի, մի գուցէ  
գործն սկսեալ, ծախիւք աւերեալ, անկատար մնասցուք, և ի մէջ աղգաց և  
աղանց. իւրոց և օտարաց՝ խայտառակեալ մնասցուք»<sup>21</sup>,

Սակայն գործը հաջողությամբ պսակվեց, և ձեմարանը կարողացավ հայ  
ժողովրդի կյանքում իր օգտաւէտ և ազգային» գերը խաղալ: Դեռ ձեմարանի  
գոյության սկզբնական շրջանում ժամանակի հայ գործիչները հասկացան Հա-  
զարյան ձեմարանի մեծ կոշտը և արժանապես գնահատեցին այդ լուսավո-  
րական-կրթական հաստատությունը: Եթե մինչ այդ, Հովակիմ Հազարյանի ար-  
տահայտությամբ, «Իբր կորագլուխ էաք ի մէջ ազգաց և աղանց», ապա ձե-  
մարանի հիմնադրմամբ դրությունը որոշ չափով փոխվեց, որովհետև հայերը ևս  
ունեցան կրթական օջախ, «որ եթէ ոչ ասել պայծառ և գեղեցիկ քան զայլադ-  
գեաց, սակայն գեթ նման նոցին և ոչ նուաստ, զոր այժմ ունիք և ի պէտս ուս-  
ման մանկանց ձերոց ներկայից և հեռակայից մերազնեաց պիտոյացուցանել  
և վայելել կարէք, զի ձեր է՝ սիրելի ազգիս Հայոց»: Դրա համար էլ Հովակիմ  
Հազարյանը իր հայրենակիցներին խնդրում էր «ընդունել և սիրել» այն որ-  
պէս «զգայեակ և զստինս ի լուսաւորութիւն մտաց որդւոց ձերոց և ապագայ  
ծննդոց Արամազնեաց», և ամեն կերպ օժանդակել նորոգ ուսումնարանին»<sup>22</sup>:

Հազարյան ձեմարանը համարելով «զարձան յաւերժական ի լուսաւորու-  
թիւն տանս Թորգոմեան»<sup>23</sup>, իբրև «խական միջոց լուսաւորելոյ զազգն և փա-  
ռաւորելոյ զանուն նորա ի մէջ օտար աղանց», «գործ իմաստութեան արժանի  
բարոգելոյ յամենայն տեղիս, և թողլոյ զյիշատակ յապագայ եկելոց առ ի առ-  
նով զօրինակ բարի»<sup>24</sup>, հայ գործիչները հույսով և լավատեսությամբ էին նա-  
յում իրենց ժողովրդի ապագային, որովհետև ստեղծվում էր մի օջախ, որը  
«յարուցանելու [էր] զազգ մեր արամեան ի քնոյ թմբրութեան»<sup>25</sup>, դառնալու  
էր «աթոռ յուսոյ մեծի և տեղի տիրագոյն մխիթարութեանց համօրէն ազգի»<sup>26</sup>,

Ժամանակի մտայնությունը բնորոշելու տեսակետից խիստ հատկանշա-

21 Ստեփանգարան, Հազարյան արխիվ, թղթ. 102, գ. 3, վ. 120:

22 Նույն տեղում, վ. 119:

23 Նույն տեղում, թղթ. 106, գ. 14, վ. 71:

24 Նույն տեղում, Երեցյանի արխիվ, թղթ. 159, վ. 210դ:

25 Նույն տեղում, Հազարյան արխիվ, թղթ. 106, գ. 14, վ. 37:

26 Նույն տեղում, թղթ. 103, գ. 9, վ. 74:



կան ևն ներսես Աշտարակեցու թերևս մի փոքր չափազանցված զեղումները. «...ով կարէր ածել երբեմն ղմտաւ թէ յետ հազարաւոր շարաշուք ամաց՝ յաջորդելոց են ժամանակ շնորհաշուքը՝ յորս նեղեալ և վշտացեալ արամազնեայք ուրի առեալ սնելոց են զյոյս վերանորոգութեան իւրեանց և տեսանելոյ զաւուրս բարութեանց»<sup>27</sup>,

Գիտակցելով իրենց ստեղծած ուսումնական հաստատության կարևորությունը հայ ժողովրդի հատկապես այն հատվածի համար, որն իր բախտը կապել էր Ռուսաստանի հետ, Հազարյանները կամենում էին ձգի ուսումնարանն մեր եղիցի գլուխ հայոց դպրոցացն ողջոյն ըստ օրինակի համալսարանին ուսաց ունիվերսիդետ կոչեցելոյ, և այնք իբրու անդամք կախէսցին զայնմանէ. նման ծառոյ ռսաովք աճելոյ որ ի ժամու տուեալ զպտուղ բաղցրացուցանէ զախորժակ զգոծիչ ծարաւի փափագանաց մարդկան»<sup>28</sup>, Լաղարյանների մտադրությունն էր Հազարյան ճեմարանի գլխավորությամբ Աստրախանի, Թիֆլիսի, Ղրիմի, Գրիգորիոպոլի, Նոր Նախիջևանի դպրոցները համախմբել (ուսական համալսարանական սիստեմի հետևողությամբ) մեկ ընդհանուր կալմակերպության մեջ, հայ ժողովրդի լուսավորության գործը ավելի նպատակասլաց դարձնելու համար: Ուստի նրանք բացատրում էին, որ «այլ խրախուսեալ եղաք լինել յայդ ձեռնամուխ հայելով յանյառաջադիմութիւն մերազնէից և անկայեալ յանօգնական վիճակ անկիրթ և անուս մանկանց. մանաւանդ զի հայր Մանուել վարդապետն (Կյումուշխանեցին — Վ. Դ.) խնդրեալ է ի մէնջ և իւնդրէ ցայսօր զի դպրոցք նահանգին Ղրիմու և Գրիգորիապոլոյ եղիցին ընդ հովանիս ուսումնարանի մերոյ...»<sup>29</sup>,

Լուսավորության և նոր սերնդի դաստիարակության գործը չէր սահմանափակվելու միայն Հազարյան ճեմարանով, և ոչ էլ արդեն գոյություն ունեցող դպրոցներով: Անհրաժեշտ էր բացել նոր դպրոցներ, որոնք իրենց մակարդակով և նպատակադրումներով պետք է տարբերվեին հին դպրոցներից: Այդպիսի դպրոցների ստեղծման կարիք էր զգացվում նաև բուն էջմիածնում, որտեղ Սիմեոն կաթողիկոսի ստեղծած ժառանգավորաց դպրոցը դադարեցրել էր իր գործունեությունը: Այդ հանգամանքն է, որ դրդեց Հովակիմ Հազարյանին, 1811 թ. հուլիսի 6-ին դիմել Եփրեմ կաթողիկոսին և «անպատկառ յանդգնիլ» խորհրդարանում լինիլ՝ մի փոքրիկ դպրոց բացել էջմիածնում և այնտեղ «թարց իւրք ցասման, բարկութեան և զանից պատժոյ հմտեցուցանել, զի բարկութիւն, սպառնալիքօք ահացուցանելն և խիստ պատժելն բարբարոսական է գործ, միշտ խռովեցուցիչ և յուսահատեցուցիչ աշակերտի, նմանապէս և տախտկութիւն ուսուցչին» և այնտեղ հավաքված մանուկներին «հմտեցուցանել» թի քերականութեան և ճարտասանութեան լեզուի մերում լաւապես կրթել ի աստուածաբանութեան, պատմութեան, աշխարհագրութեան և ի տաղաչափութեան»<sup>30</sup>,

Հովակիմ Հազարյանը հույս էր հայտնում, որ եթե «այսպիսի մի կարգաւորեալ փոքրիկ ուսումնարան այդ սկզբնաւորեալ հաստատեցի, հաւաստի եմ որ բազում բարիս է վայելելոց սուրբ աթոռդ զի ի ապագայ դարս և ի ժամանակս ի նոցունց լաւ և պիտանի անդամս, նուիրակունս, առաջնորդս,

27 Նույն տեղում, Թղթ. 105, գ. 13, վ. 159:

28 Նույն տեղում, Թղթ. 106, գ. 14, վ. 37:

29 Նույն տեղում:

30 Մատենադարան, Երեցյանի արխիվ, Թղթ. 155, վ. 31:

ուսուցիչս, այլ և հայրապետութեան արժանաւոր անձն էր ունեւոց և ճաշակ կամ պտուղ այնպիսի կացուցմանց ի քիմս միաբանից մի անգամ անկեալ, այնքան ինքեանք սիրահար և կապակցեալ են լինելոց ընդ համալսարանին, որ շաւիղ նորին յաւէտ մնալով ամ ըստ ամի ծաղկելոց է ուսումնարանն այն և ժամանակաւ լինելոց նման կացուցման բարեյիշատակ Մխիթարա արքայի ակադեմուն այսինքն համալսարանին...»<sup>31</sup>,

1813 թ. էջմիածնում Հովակիմ Լազարյանի առաջարկած փոքրիկ դպրոցի նման ժառանգավորաց մի դպրատուն է բացվում, որը անգամ շնդկաստանի հայերի համար «ուրախություն և բերկրություն սրտի» եղավ, քանի որ նման «ազգագոյություն» գործերը միշտ նրանց խնդրություն են պատճառելու և որ իրենք ըստ կարեաց մերոյ և ըստ խոստման ժամանակին սիրով մասնակից ենք լինելոց»<sup>32</sup>,

Եփրեմ կաթողիկոսը գիտակցում էր, որ էջմիածնի ժառանգավորաց դըպրատունը դեռևս հեռու է անհրաժեշտ կատարելությունից և բարձրությունից, բայց հույսը չէր կորցնում, որ ժամանակին այն ավելի աչքառու դեր կխաղաւ։ Ուստի նա Հակոբ Շահան-Ջրպետյանին գրում էր, որ «պինդ ունիմք կոշեալ առ աստուած դոյս մեր գուցէ թէպէտ ոչ յայն աստիճան գիտնականաց մերոց և յազատ և ոսկեղէն դարս անցելոց, այլ սակայն ի մերուս այս ընդ ծառայութեամբ այլոց հասանիցեն բաղդատեալ զինքեանս ընդ նոսա և որոճեալ զբանս նոցին ի քիմս իմացականութեան իւրեանց»։ Իսկ հետագայում ամեն ինչ լավ կգնա, միայն թե «շնորհեսցէ տէրն զազատութիւն ծառայական լծոյ մերոյ, և տեսանել զգեղազոյնն»<sup>33</sup>,

Այնքանով, որքանով մայր աթոռի վարժարանում անգլերենի և լատիներենի ուսուցիչ չկար, 1816 թ. Եփրեմ կաթողիկոսը նվիրակ վրթանես արքեպիսկոպոսի հետ երկու պատանիների՝ Դավթին և Սահակին ուղարկում է Հընդկաստան, որպեսզի մտնեն անգլիական ուսումնարան և «ուսանեն զպէսպէս լեզուս և արուեստս»<sup>34</sup>։ Այս փաստը ինքնըստինքյան վկայում է, որ Եփրեմ կաթողիկոսը իսկապես մտադիր էր էջմիածնում մի պատկառելի դպրոց ստեղծել, բայց քաղաքական իրադրությունը ի դերև հանեց նրա ջանքերը։

XIX դ. սկզբներին ռուսական կայսրության սահմաններում ստեղծված հայկական դպրոցներից և Լազարյան ճեմարանից հետո իր նշանակությամբ առաջինը, անկասկած, Թիֆլիսի Ներսիսյան դպրոցն էր։ Նա ևս կոչված էր թի մի փարախ հայրենասիրութեան»<sup>35</sup> հավաքել հայկազուն մանուկներին։ Ներսիսյան դպրոցը ստեղծվեց Լազարյան ճեմարանի հետևողությամբ և անմիջական ազդեցությամբ, մանավանդ եթե նկատի առնենք այն հանգամանքը, որ Ներսիսյան դպրոցի հիմնադիր Ներսես Աշտարակեցին դեռևս 1807 թ. Նոր Նախիջևանում գտնված ժամանակ Հովակիմ Լազարյանի հանձնարարությամբ կաղմել էր Լազարյան ապագա ճեմարանի կանոնադրությունը։ Չեռնամուխ լինելով Ներսիսյան դպրոցի ստեղծմանը, Ներսես Աշտարակեցին իր առաջնահերթ խնդիրն էր համարում նրա ղեկավարումը, զգորս յառաջև յետոյ միմիայն

31 Նույն տեղում։

32 Նույն տեղում, կաթողիկ. դիվան, թղթ. 32, վ. 41։

33 Նույն տեղում, Լազարյան արխիվ, թղթ. 105, գ. 23, վ. 41։

34 Նույն տեղում, կաթողիկ. դիվան, թղթ. 32, վ. 41։

35 Նույն տեղում, Նրեցյանի արխիվ, թղթ. 159, վ. 210ր։



է ինձ նպատակ համազգի բերեաց, ոչ խնայեցից ոչ զծանր և ոչ զթեթեան ինձ, փութալ ի լրումն բաղձանաց իմոց այսոցիկ՝ անձամբ անձին, առանց յապա-  
ղելոյ»<sup>36</sup>:

Հովակիմ Լազարյանը խիստ բարձր էր գնահատում Ներսես Աշտարակե-  
ցու հայրենասիրական այդ ջանքերը և նրան դրում, որ «պէս պէս ազգաշէն  
մեծագործութիւնք վերերեալք յամենայն բարութեանց անբաբտացեալս ժամա-  
նակի յանխոնջ և յոքնաբիրտն ձեր երկասիրութենէ յանձառ ցնծութիւն զսիրտս  
հրաւիրեն զբարեսիրաց», որ «դերօգտակար դպրոցիդ» «սկզբնաւորութեան և  
առ սակաւ սակաւ կատարելագործութեան» համբավը «օր քան զօր յաճախե-  
լով առ լսելիսն իմ, յորդորէ զիս յաղօթս առ տէր կալ և հայցել հեղուլ ի ձեռ  
վասն զկրկին հոգիս անուանակցաց ձերոց սրբոյ Նէսիսից Մեծին և Շնոր-  
հալույն՝ առ ի զողորմելի ազգս մեր յառաջին փառս վերածել յանթերի լրութիւն  
բաղձանաց»<sup>37</sup>:

Ազգային լուսավորութեան, դպրոցների հիմնադրման և մատաղ սերնդի  
դաստիարակութեան առնչությամբ վերևում բերված բոլոր փաստերը, դատա-  
դրությունները, խոհերը, խորհրդածություններն ու մտահոգությունները վկա-  
յում են, թե հայ ժողովրդի ապագայի հարցում որքան մեծ տեղ էին գրավում  
և ինչպիսի համապարփակ խորհուրդ ունեին այդ հարցերը:

Հայոց լեզուն համարելով հայ ժողովրդի գոյատևման հիմնական երա-  
խիքներից մեկը, ժամանակի հայ գործիչները մտաբերում էին բոլոր նրանց,  
ովքեր դժգոհում էին իրենց հայ ծնված լինելուց կամ ուրանում էին մայրենի  
լեզուն<sup>38</sup>:

Սկիզբ առնող լուսավորական շարժման մեջ նկատելի տեղ էր հատկաց-  
վում նաև հայ եկեղեցու կառավարման բարենորոգության խնդրին. դառ կա-  
րիքը հատկապես սուր զգացվեց Դավիթ-Դանիելյան պալքարի տարիներին:

Մինաս Լազարյանին 1805 թ. օգոստոսի 16-ի Վրաստանի հայոց առաջ-  
նորդ Հովհաննես արքեպիսկոպոս Գեղարդակրի ուղղած գրությունից<sup>39</sup> պարզ-  
վում է, որ Մ. Լազարյանը նույն թվականի հուլիսի 20-ի նրան հասցեած իր  
նամակում խոսել է էջմիածնում սյունհողոս ստեղծելու մասին, որը նա «ի  
յերկնուստ ազդեցեալ» պատգամ էր համարում, քանի որ ինքը և իր գործա-  
կիցներն էլ այդ մասին են խորհել, բայց տարակուսել են, թե կգտնեն արդյոք  
«համաշունչ խորհրդակից»: Նա ճշմարիտ էր համարում այն միտքը, որ մայր  
աթոռի և հայ ժողովրդի վրա եկած պատուհասների պատճառն այն էր, «զի  
մեք, և կամ որ ստոյգ ևս է՝ նախնիք մերս՝ թողեալ զլուսաւոր շաւիղս... ընթա-  
ցաք զճանապարհ անկողս... և վասն այնորիկ արժանապէս վերահասին մեզ  
այս ամենայն չարիք և վիշտք»<sup>40</sup>:

1805 թ. սեպտեմբերի 29-ին Մինաս Լազարյանը Թիֆլիս է ուղարկում  
սյունհողոսի կանոնադրության իր կազմած տեքստը՝ բաղկացած 21 հոդված-  
ներից, որն ընկալվում է «ըստ օրինակի գարնանաբեր հարաւային հողմոյ որ  
վարթուցեալ զերկիր ի սաստկասառոյց պաշարմանէ օգոյն ցրտութեան ձմե-

<sup>36</sup> Նույն տեղում, Լազարյան արխիվ, Թղթ. 105, գ. 13, վ. 158:

<sup>37</sup> Նույն տեղում, Երիցյանի արխիվ, Թղթ. 156, վ. 18:

<sup>38</sup> Նույն տեղում, Լազարյան արխիվ, Թղթ. 105, գ. 11, վ. 27 և Թղթ. 106, գ. 14, վ. 29:

<sup>39</sup> «Դիվան Հայոց պատմության», գիրք Ե., վ. 244:

<sup>40</sup> Նույն տեղում:

լայնոյ՝ ազդէ ի նա արտաքս առաքել ազդի ազգի տեսակս բազմագունի ծագ-  
կանց ի զարդ վայելչութեան իւրոյ»<sup>41</sup>։ Հովհաննես, Գրիգոր, Բարսեղ արքեպիս-  
կոպոսները և Ներսէս Աշտարակեցիին հույս էին հայտնում, որ շնորհիվ խոր-  
հրդարանի ստեղծման հնարավոր կլինի տեսնել «զբարեգրութիւն հոգեւորա-  
կանաց և մարմնաւորականաց ազգի մերոյ»։ Բայց նրանք չեն կամեցել ասել,  
թե ո՞վ է կանոնների հեղինակը, «զի մի ի ձէնջ աղդեցեալ լինելն հասանիցէ  
յականջս ալլոց, որոց չիցէ արժան»<sup>42</sup>, Պարզ է, որ Դանիել կաթողիկոսի անու-  
նից հետագայում հրատարակված 22 կանոններից բաղկացած սյունհոդոսի  
կանոնադրութեան բուն հեղինակը Մինաս Լազարյանն է։

Այս ամենի մասին Թիֆլիսից տեղեկացնում են Մարազայում բանտար-  
կութեան մեջ գտնվող Դանիել կաթողիկոսին։

Շուտով Դանիել կաթողիկոսը ազատվում է բանտարկութունից, բազմում  
կաթողիկոսական գահին և էքսիաժնի միաբանութեան համաձայնութեամբ  
1808 թ. մայիսի 25-ին, իր կաթողիկոս ձեռնադրվելու յոթերորդ տարեդարձի  
օրը, սահմանագրում և հաստատում է կառավարիչ սբ. ժողովը կամ սյուն-  
հոդոսը, որի «իրաւարար» կառավարութեանը և իշխանութեանը պետք է այսու-  
հետեւ ենթարկվեն կաթողիկոսից սկսած մինչև ստորին հոգեւորականը, ինչ  
և ամրապնդվում է հանդիսավոր երդման արարողութեամբ։

Դանիել կաթողիկոսի հաստատած կանոնների համաձայն սբ. ժողովի ան-  
դամները պետք է կանոնավոր նիստեր գումարեն և բոլոր գործերի վերաբեր-  
յալ համապատասխան որոշումներ ընդունեն։ Հարցերը պետք է քննարկվեն  
սառը դատողութեամբ, առանց փոխադարձ վիրավորանքների և օգտակարն ու  
լավը գտնելու ձգտումով։ Դատաստանական գործերի վերաբերյալ վճիռները  
պետք է գրավոր լինեն և ստորագրված սբ. ժողովի անդամների կողմից, խըս-  
տորեն արգելվում էր նվերների ձեռք կաշառք վերցնել դատաստանական գոր-  
ծերով սբ. ժողովին դիմող անձանցից։ Սբ. ժողովի անդամները պետք է են-  
թարկվեն բոլոր կանոններին, այլապես ենթարկվելու էին իրենց «գահակից-  
ներին» անաշառ դատաստանին<sup>43</sup>։

Սյունհոդոսը կամ կառավարիչ սբ. ժողովը գործեց նաև նփրեմի կաթողի-  
կոսութեան տաշիններին և որոշ չափով նպաստեց խորհրդակցական կառավար-  
ման սկզբունքների կիրառմանը։

Ըիշտ է, հայ եկեղեցու կառավարման բարենորոգման այս փորձը խանա-  
կան ժողովրդների հետեւանքով սպասված արդյունքներ չտվեց, բայց բարձ-  
րագույն խորհրդարանի հիմնումն ունեցավ սկզբունքային խոշոր նշանակու-  
թիւն։ Դա գաղութահայ քուրժուազիայի հաղթանակն էր հայ եկեղեցու կառա-  
վարումը կոլեգիալ դարձնելու գործում։ Դա միևնույն ժամանակ ցույց էր տա-  
լիս, որ հայ հոգեւորականութեան ազդեցիկ մասը հետեւում էր հայ քուրժուա-  
զիայի թելադրանքին, ինքն էլ էր շահագրգռված վերջ տալու միանձնյա կա-  
ռավարման հնամենի եղանակին, որը շատ բան էր յուրացրել արևելյան բըռ-  
նապետական կառավարման մեթոդներից։

Բարձրագույն խորհրդարանի ստեղծումն արժանացավ առաջադեմ տրա-  
մադրված գործիչների դրական գնահատականին։ Այս առումով առանձնահա-

<sup>41</sup> Նույն տեղում, վ. ԸԿԹ։

<sup>42</sup> Նույն տեղում։

<sup>43</sup> «Դիվան Հայոց պատմութեան», գիրք Ա—Բ, էջ 229—231։



տուև հետաքրքրություն է ներկայացնում Թավրիզում Աբբաս Միրզայի մոտ ծառայության մեջ գտնվող Միրզա Ռոստոմ Միրզա Կորկինյանի նամակը՝ հրդ-ված էջմիածնի սբ. ժողովին, որը նա «սէանաթ» է անվանում: Միրզա Ռոստոմը գրում էր. «Մտածէք տեսէք ինչպէս որ սբ. սէանաթի խորհուրդն է մեք էլ նա կունդունեմք: Եւ թէ մեք տեղս չլինէյինք այն ժամանակն տեսնէյիք թէ բանն ինչ կրնդառնար և հաստատուն իմացէք որ միշտ հետեղութիւն այն է որ էդ սբ. սէանաթդ հաստատ մնայ և առանց սէանաթի խորհուրդին օշով չհամարձակ-վի աթոռի բանին խառնվի»<sup>44</sup>:

Բայց ամենամեծ հետաքրքրությունը ներկայացնում են Միրզա Ռոստոմի նամակի եզրափակիչ տողերը, որոնք վկայությունն են այն բանի, որ բռնա-պետական ռեժիմի ծառայության մեջ գտնվող այդ պաշտոնյան երազում էր առնվազն սահմանադրական միապետության մասին. «Եւ աստուծով կլինի ժամանակ, որ ինչպէս մեք սբ. սէանաթիդ ձեռք եմ գրէր: Եւ ձեր հրամանքն էլ Լստեղի սէանաթին ձեռք դնէք»<sup>45</sup> (ընդգծումը մերն է — Վ. Դ.):

Այսպիսով, ուսումնասիրության ենթակա ժամանակահատվածում ինչպես Լուսավորական շարժումը, այնպես էլ հայ եկեղեցու կառավարության բարենորոգման հարցը հայ ազգային-ազատագրական շարժման էական բաղկացուցիչներն էին և հայ գործիչները իրավացիորեն ջանում էին դրանք ծառայեցնել ազատագրական պայքարի շահերին: Մատաղ սերնդի Լուսավորությունը, կառավարման նոր ձևերի մուծումը կոչված էին արթնացնելու ազգային ինքնագիտակցություն և դրանով իսկ նպաստելու հայրենիքի ազատագրությանն ու վերածնությանը: XVIII դ. վերջին և XIX դ. սկզբին սերմանվում էր մի արտ, որը մի փոքր ավելի ուշ հիանալի հունձ տվեց և դրանով իսկ զարկ տվեց հայրենի մշակույթի աննախընթաց վերելքին:

## НАЧАЛО ПРОСВЕТИТЕЛЬНОГО ДВИЖЕНИЯ В АРМЯНСКОЙ ДЕЙСТВИТЕЛЬНОСТИ (КОНЕЦ XVIII в.—НАЧАЛО XIX в.)

В. А. ДИЛОРЯН

### Резюме

Со второй половины XVIII столетия в армянской действительности начинает играть заметную роль армянская торговая буржуазия в колониях. Под угрозой конкуренции иностранного капитала, пользующегося государственной поддержкой, она устремляла свой взор на родину, находящуюся под игом восточных деспотий, стремилась добиться ее освобождения. С этой целью большое внимание уделялось ей в первую очередь вопросам просвещения. Армянские деятели считали, что созданием школ и распространением знаний по естественным наукам и иностранным языкам смогут пробудить национальное самосознание в народе.

<sup>44</sup> Մտանադարան, կաթողիկ. դիվան, Թղթ. 21, վ. 158:

<sup>45</sup> Նույն տեղում:

Учреждение в начале XIX в. Лазаревского института, училищ Нерсисяна и Агабабяна явилось ярким подтверждением этого стремления.

Стали серьезное внимание уделять также и вопросу правления армянской церкви — единственного института, рассматривающегося в качестве носителя армянской государственности. Стараниями представителей армянской буржуазии в колониях и находившихся под ее влиянием некоторых высших сановников церкви был учрежден Эчмиадзинский синод или Высший совет, призванный ограничить произвол епископата.